

შპს „ახტელის“

საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის სატელეფონო ზარების (წამოწყება/დასრულება) მომსახურების შეთავაზების წინადადება (მოწვევა ოფერტაზე)

წინამდებარე შეთავაზების წინადადება (ოფერტა) შემუშავებულია „ელექტრონული კომუნიკაციების შესახებ“ საქართველოს კანონის, საქართველოს კომუნიკაციების ეროვნული კომისიის 2010 წლის 17 სექტემბრის № 428/9 და 2014 წლის 09 ოქტომბრის გადაწყვეტილებით შპს „ახტელისათვის“ დაკისრებული სპეციფიკური ვალდებულებების შესაბამისად და იგი არეგულირებს „ახტელის“ საკუთარ ქსელთან საკომუტაციო ტერმინალურ ელემენტებთან დაშვებისა და ურთიერთჩართვის სატელეფონო ზარების (წამოწყება/დასრულება) მომსახურების პირობებს.

1. შპს „ახტელის“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება ხორციელდება შემდეგი პირობებით:

1.1. შპს „ახტელის“ საკუთარი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულების) მომსახურების მიწოდება დაეკისრა შემდეგ გეოგრაფიულ ზონებში:

ა) თბილისის ადგილობრივი მომსახურების ზონა;

1.2 შპს „ახტელის“ საკუთარ ქსელში საერთაშორისო ზარის ტერმინალია დაეკისრა კომისიის გადაწყვეტილებით, რომლის შესაბამისად ახტელი ადგენს ტერმინალის პირობებს წინამდებარე მოწვევის ოფერტით და განსაზღვრავს, რომ

- ყველა შეერთება ოპერატორებს შორის იქნება სახეობითი, შესაბამისად აქცეპტანტი ვალდებულია წერილობითი სახით მიაწოდოს ოფერენტს ინფორმაცია, თუ რომელი არხიდან განახორციელებს ლოკალური ზარების გატარებას და რომლიდან -საერთაშორისო ზარების (ყოველი ცალკეული არხების მაინდენტიფიცირებელი მონაცემების მითითებით). აქცეპტანტის მიერ ოფერენტისათვის მიწოდებული მონაცემების შესაბამისად (ანუ არხების საფუძველზე) განისაზღვრება ზარების ტარიფიცირების და დაბეგვრის ოდენობა. ამ პირობის გათვალისწინებით, აქცეპტანტი სრულად და ერთპიროვნულად აგებს პასუხს არხებში გამავალი ტრაფიკის იმ მოცულობის და ტარიფით დაბეგვრის სისწორეზე, რაც გათვალისწინებულია წინამდებარე ოფერტით. ამასთან, თუ ლოკალური ზარის გატარების არხში, მოხვდა საერთაშორისო ზარი იგი დაიბეგრება, როგორც საერთაშორისო ზარი.

- ოფერენტი იტოვებს უფლებას, მასთან ან მის აფილირებულ პირთან, აქცეპტანტისგან შემომავალი ნებისმიერი სატელეფონო ზარი მიიჩნიოს საექსპოდ და შეუჩეროს აქცეპტანტს ურთიერთჩართვა. აღნიშნული ექვის თაობაზე ოფერენტს უფლება აქვს მიმართოს საქართველოს კომუნიკაციების ეროვნული კომისიას. ამასთან, ამ ოფერტის 3.2.8 პუნქტით გათვალისწინებული, ხელშეკრულების შესრულების საგარანტიო თანხით, დაიკმაყოფილოს ურთიერთჩართვის ხელშეკრულების დარღვევით მიყენებული ზარალი.

1.3. ურთიერთჩართვის მომსახურების მიწოდების სატელეფონო სადგურების ინდექსი,

მისამართი და ურთიერთჩართვისთვის გამოყენებული ინტერფეისის აღწერილობა:

ახტელი

ასს-ის ინდექსი	მომსახურების მიწოდების მისამართი	ინტერფეისი
77	კახეთის შესხ. № 2	SS7

2. მომსახურების ტარიფები:

ძირითადი ქსელის ფიქსირებული საკომუტაციო ქსელებით საქმიანობის საბითუმო მომსახურების ბაზარზე ფიქსირებული და მოძრავი საკომუტაციო ტერმინალურ ელემენტებთან დაშვებისა და სატელეფონო ადგილობრივი მომსახურების ზონაში ზარის წამოწყება/დასრულების მომსახურების ტარიფები:

2.1. ურთიერთჩართვის (ზარის წამოწყება/დასრულება) ტარიფი 2 (ორი) თეთრი/წუთი დღგ-ს ჩათვლით;

2.2. ადგილობრივი ზარის ტრანზიტული გატარებისთვის მომსახურების ტარიფი შეადგენს ადგილობრივი ზარის დასრულების ტარიფს დამატებული ტრანზიტული მომსახურების 0.01 ლარი დღგ-ს ჩათვლით - 1 წუთი ;

2.3 საქართველოში შემომავალი საერთაშორისო ზარის ურთიერთჩართვის (ზარის წამოწყება/დასრულების) მომსახურების ტარიფი მოძრავი საკომუნიკაციო ქსელის ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყების/დასრულების) საბითუმო ბაზრის შესაბამის სეგმენტებზე და ფიქსირებული საკომუნიკაციო ქსელის ოპერატორის ძირითადი ქსელის საკომუტაციო ტერმინალურ ელემენტებთან დაშვებისა და ურთიერთჩართვის (სატელეფონო ზარების წამოწყება/დასრულება) საბითუმო ბაზრის შესაბამის სეგმენტებზე შეადგენს:

- ა) პირველი საფეხური, 30.000 (ოცდა ათი ათასი) წუთამდე, პირდაპირი ურთიერთჩართვის შემთხვევაში, 0.12 აშშ დოლარის ექვივალენტს საქართველოს ეროვნულ ვალუტაში გადასახადების ჩათვლით - 1 წუთზე;
- ბ) პირდაპირი ურთიერთჩართვის შემთხვევაში და მეორე საფეხურზე (30 000 (ოცდა ათი ათასი) წუთს ზევით) 0.15 აშშ დოლარის ექვივალენტს საქართველოს ეროვნულ ვალუტაში გადასახადების ჩათვლით - 1 წუთი;

2.4. საქართველოში შემომავალი საერთაშორისო ზარის არაპირდაპირი, ტრანზიტული გატარებისთვის მომსახურების ტარიფი, შეადგენს ერთი წუთი - 0.01 აშშ დოლარის ექვივალენტს საქართველოს ეროვნულ ვალუტაში დღგ-ს ჩათვლით. ოფერენტი იღებს მხოლოდ, ტრანზიტული მომსახურების გაწევის საფასურს, სხვა ფინანსური და იურიდიული საკითხები აქცეპტანტსა და მესამე პირს შორის რეგულირდება ოფერენტისაგან დამოუკიდებლად, ხოლო მათ შორის დავის შემთხვევაში (დავა, რომელიც ეხება გატარებული ტრაფიკის მოცულობას) ოფერენტის მონაცემები გატარებული ტრაფიკის მოცულობის შესახებ მიიჩნევა უპირობოდ სწორად. იმ ურთიერთჩართულ პირთან მიმართებაში, რომლებიც არ წამოადგენენ არაპირდაპირი ურთიერთჩართვის ხელშეკრულებას წერილობით, ტარიფი დარიცხული იქნება მესამე პირის ქსელში ზარის დასრულების მაქსიმალურ ზღვრულ ტარიფს დამატებული დღგ და 0.01 აშშ დოლარის ექვივალენტს საქართველოს ეროვნულ ვალუტაში დღგ-ს ჩათვლით.

2.5. ოფერენტთან არაპირდაპირი, ტრანზიტული ურთიერთჩართვის შემთხვევაში, მომსახურების სახიდან გამომდინარე აქცეპტანტი ფარავს ზარის წამოწყების ან/და ტრანზიტული მომსახურების საფასურს ან ზარის დასრულების ან/და ტრანზიტული მომსახურების საფასურს;

3. ქსელში ურთიერთჩართვის მსურველმა ოპერატორმა უნდა წარმოადგინოს განაცხადი, რომელიც უნდა შეიცავდეს:

3.1 წერილობითი განაცხადი უნდა შეიცავდეს შემდეგ მინიმალურ ინფორმაციას:

3.1.1 საფირმო სახელწოდება;

3.1.2 იურიდიული და ფაქტიური მისამართები;

3.1.3 ელექტრონული ფოსტის მისამართი, ტელეფონი და ფაქსის ნომრები;

3.1.4 წარმომადგენლობაზე უფლებამოსილი პირის სახელი, გვარი, მისამართი და საკონტაქტო ნომერი;

3.1.5 საქმიანობის სახეები რაზეც საქართველოს კომუნიკაციების ეროვნული კომისიაში (შემდგომში - კომისია) გავლილი აქვს ავტორიზაცია;

3.1.6 არსებული ლიცენზიები/ნებართვები და ნუმერაციის რესურსები;

3.1.7 ქსელის აღწერა;

3.1.8 სიგნალიზაციის ტიპი;

3.1.9 გამოყენებული ინტერფეისი;

3.1.10 საერთაშორისო და ადგილობრივი ტრაფიკის სავარაუდო მოცულობები;

3.1.11 განსაზღვროს ცალ-ცალკე გამოყოფილი არხები საერთაშორისო და ადგილობრივი ტრაფიკის დასრულებისთვის.

3.1.12 მომსახურების სახეები, რომლის მიღებაც სურს;

3.1.13 საკონტაქტო პირების სახელი გვარი და ტელეფონის ნომრები.

3.2 წერილობით განაცხადს თან უნდა დაერთოს შემდეგი დოკუმენტაცია:

3.2.1 ავტორიზაციის მოწმობის ასლი;

3.2.2 ამონაწერი სამეწარმეო რეესტრიდან;

3.2.3 წარმომადგენლობაზე უფლებამოსილი პირის პირადობის მოწმობის ასლი;

3.2.4 ნუმერაციის რესურსით სარგებლობის ნებართვა;

3.2.5 რადიოსიხშირული რესურსით სარგებლობის სალიცენზიო მოწმობის ასლი;

3.2.6 ხელშეკრულების შესრულების გარანტია, რომელიც გულისხმობს გამოუხმობად საბანკო გარანტიას ან ხელშეკრულების შესრულების საგარანტიო თანხას. საბანკო გარანტიად მოიაზრება საქართველოს კანონმდებლობის შესაბამისად მოქმედი ბანკის მიერ წარმოდგენილი ფულადი წერილობითი გარანტია, რომლის ძალითაც, გარანტიის მიმცემი თვითონ კისრულობს ვალდებულებას გადაუხადოს ფულადი თანხა ბენეფიციარს (ახტელს), ამ უკანასკნელის წერილობითი მოთხოვნის შემთხვევაში. საბანკო

გარანტია ატარებს სასწრაფო და უპირობო ხასიათს. საბანკო გარანტია მოწონებულ და დადასტურებულ უნდა იქნას ახტელისაგან. ხელშეკრულების შესრულების საგარანტიო თანხა – გულისხმობს, მსურველი პირის მიერ ახტელის ანგარიშზე ჩარიცხულ თანხას, რომელიც მოიაზრება ხელშეკრულებიდან წარმოშობილი ვალდებულებების შესრულების გარანტიად და იმ შემთხვევაში, თუ კონტრაქტი არ დაფარავს ხელშეკრულებიდან წარმოშობილ ფინანსურ ვალდებულებას, ახტელს ეძლევა უფლება კონტრაქტის მხრიდან ყოველგვარი წინასწარი თანხმობის გარეშე, დაიკმაყოფილოს მოთხოვნა საგარანტიო თანხიდან. ხელშეკრულების შესრულების საგარანტიო თანხა ატარებს სასწრაფო და უპირობო ხასიათს.

3.2.7 მსურველი პირი ვალდებულია განაცხადში მიუთითოს ერთი თვის განმავლობაში სავარაუდო ტრაფიკის მოცულობა. საბანკო გარანტიის და ხელშეკრულების შესრულების საგარანტიო თანხა უნდა შეესაბამებოდეს კონტრაქტის მიერ ახტელისათვის 2(ორი) თვის განმავლობაში გადასახდელი თანხის ოდენობას.

3.2.8 საერთაშორისო ზარების დასრულების შემთხვევაში მსურველი/ურთიერთჩართული ავტორიზებული პირი ვალდებულია უზრუნველყოს ხელშეკრულების შესრულების გარანტიის წარმოდგენა, რომელიც მოიცავს განაცხადში დაფიქსირებული ტრაფიკის მოცულობისთვის ახტელისათვის გადასახდელ თანხის 2 (ორი) თვის ოდენობას და 4 000(ოთხი ათასი) ლარს, თითოეულ გამოყოფილ არხზე (საერთაშორისო ზარების დასრულებისათვის).

3.3 3.1.10-3.1.11; 3.2.6-3.2.8; პუნქტებით გათვალისწინებული დოკუმენტაციის წარმოდგენა აუცილებელია იმ ავტორიზებული პირებისათვის, რომელთაც ახტელთან არ ჰქონიათ სამართლებრივი ურთიერთობა წინამდებარე ოფერტით გათვალისწინებულ მომსახურების მიღებაზე ან წინამდებარე ოფერტით გათვალისწინებულ მომსახურებაზე ადრინდელი სახელშეკრულებო ურთიერთობებიდან გამომდინარე მსურველი პირი არ ან არაჯეროვნად ასრულებდა ახტელის წინაშე ნაკისრ ვალდებულებებს და ურთიერთჩართული პირებისთვის, რომლებიც სარგებლობენ საერთაშორისო ზარის დასრულების მომსახურებით. იმ შემთხვევაში, თუ ახტელის ურთიერთჩართული ოპერატორი, ხელშეკრულების მოქმედების განმავლობაში დაარღვევს ანგარიშსწორების ვალდებულებას, ახტელი იტოვებს უფლებას, მოსთხოვოს ამ ოპერატორს 3.2.6-3.2.7 პუნქტებით გათვალისწინებული ხელშეკრულების შესრულების გარანტიის წარმოდგენა და ეს უკანასკნელი ვალდებულია 3 სამუშაო დღის ვადაში წარმოადგინოს მოთხოვნილი გარანტია.

3.4 იმ შემთხვევაში, თუ მსურველი პირის მხარეს არსებობს შეუსრულებელი ფინანსური ვალდებულება ახტელის წინაშე, იგი ვალდებულია დაფაროს არსებული დავალიანება, წინააღმდეგ შემთხვევაში მისი წერილობითი განაცხადი არ ჩაითვლება მიღებულად და შესაბამისად ახტელის მხრიდან არ წარმოშობს არანაირ ვალდებულებას გააფორმოს მასთან ხელშეკრულება წინამდებარე ოფერტის შესაბამისად.

3.5 იმ შემთხვევაში, თუ წარმოდგენილი წერილობითი განაცხადი არ აკმაყოფილებს 3.1. და 3.2 პუნქტებით გათვალისწინებულ მოთხოვნებს ან/და ახტელის აფილირებულ პირს აქვს დასაბუთებული ეჭვი ურთიერთჩართვის მსურველი პირის სატელეფონო ზარის კანონიერებასთან დაკავშირებით, მსურველ პირს 4 სამუშაო დღის ვადაში ეცნობება ამის შესახებ და ამ შემთხვევაში 3.6 და 3.7 პუნქტებში აღნიშნული ვადის ათვლა არ დაიწყება. ვადის ათვლა დაიწყება მხოლოდ დოკუმენტაციის სრულად წარმოდგენის შემდგომ ან/და ვიდრე არ დადგინდება და არ გამოირიცხება ყოველგვარი ეჭვი მსურველი პირის შემომავალი ზარის კანონიერების თაობაზე. შესაძლებელია მხარეთა შორის ხელშეკრულება გაფორმდეს 3.2.6 პუნქტით გათვალისწინებული ხელშეკრულების შესრულების გარანტიის წარმოდგენამდე, მაგრამ ამ შემთხვევაში ხელშეკრულება ძალაში შევა მხოლოდ

აღნიშნული გარანტიის ახალი ქსელებისათვის წარდგენის დღიდან.

3.6 იმ შემთხვევაში, თუ განაცხადი შედგენილია 3.1. და 3.2 პუნქტებით გათვალისწინებული მოთხოვნების დაცვით, მაგრამ მოთხოვნილია წინამდებარე ოფერტისგან განსხვავებული ურთიერთჩართვის განხორციელების პირობები, ახტელი 5 სამუშაო დღის ვადაში შეისწავლის განაცხადში მითითებული სქემით ურთიერთჩართვის განხორციელების მიზანშეწონილობას და აცნობებს მსურველ პირს.

3.7 3.6 პუნქტით გათვალისწინებულ შემთხვევაში, თუ შეუძლებელია ურთიერთჩართვის განხორციელება განაცხადში მოთხოვნილი სქემის მიხედვით, მიიჩნევა რომ განაცხადი არ აკმაყოფილებს წინამდებარე ოფერტის პირობებს და 3.8 და 3.9 პუნქტებით გათვალისწინებული ვადის ათვლა არ დაიწყება. ახტელი შესაძლებლობების ფარგლებში შესთავაზებს მსურველ პირს ალტერნატიულ ვარიანტს, რაზეც მხარეები შეთანხმდებიან დამატებით. ურთიერთჩართვის განხორციელების სქემის შეთანხმების შემდგომ, მსურველი პირი ვალდებულია ხელახლა მიმართოს მაგთიკომს განაცხადით.

3.8 3.1 და 3.2 პუნქტებით გათვალისწინებული მოთხოვნების დაცვით შედგენილი განაცხადისა და დოკუმენტაციის ჩაბარებიდან 5(ხუთი) დღის განმავლობაში მსურველ პირს გადაეცემა ურთიერთჩართვის ხელშეკრულების პროექტი ან ელექტრონული სახით გაეგზავნება მის მიერ მითითებულ ელექტრონულ მისამართზე. მსურველი პირი ვალდებულია 5(ხუთი) დღის ვადაში ელექტრონული სახით გაუგზავნოს ახტელს შესაძლო შენიშვნები ხელშეკრულების პროექტთან დაკავშირებით. ახტელი შემდგომი 5(ხუთი) დღის განმავლობაში უგზავნის ხელშეკრულების ხელმოწერილ ეგზემპლარებს მსურველ პირს. მსურველი პირი ვალდებულია 5(ხუთი) დღის ვადაში ხელშეკრულების მისი მხრიდან ხელმოწერილი ეგზემპლარი გადასცეს ახტელს, წინააღმდეგ შემთხვევაში მიიჩნევა, რომ წინამდებარე ოფერტაზე აქცეპტი არ განხორციელებულა და ახტელსა და მსურველ პირს შორის სამართლებრივი ურთიერთობა არ არსებობს.

3.9 მხარეები ვალდებულნი არიან ზედმიწევნით დაიცვან 3.8 პუნქტით გათვალისწინებული ვადები და განაცხადის წარმოდგენიდან 20(ოცი) დღის განმავლობაში გააფორმონ შესაბამისი ხელშეკრულება.

3.10 იმ შემთხვევაში, თუ მსურველი პირის მიერ განსაზღვრული სავარაუდო ტრაფიკი ხელშეკრულების მოქმედების განმავლობაში გაიზრდება (ან გადააჭარბებს განაცხადში დაფიქსირებულ ტრაფიკის ოდენობას), იგი ვალდებულია პროპორციულად გაზარდოს ხელშეკრულების შესრულების გარანტია (საბანკო გარანტია ან ხელშეკრულების შესრულების საგარანტიო თანხა).

3.11 ყველა ურთიერთჩართული ავტორიზებული პირი, რომელიც უკვე სარგებლობს საერთაშორისო და ადგილობრივი ზარის ოფერენტის ქსელში დასრულების/ტერმინაციის მომსახურებით, ვალდებულია მიმართოს ოფერენტს წერილობითი განაცხადით, სადაც მითითებული იქნება 3.1.10-3.1.11 პუნქტით გათვალისწინებული ინფორმაცია და არაუგვიანეს 2016 წლის 1 აგვისტოსი უზრუნველყოს ხელშეკრულების შესრულების გარანტიის წარდგენა წინამდებარე ოფერტის 3.2.6-3.2.8 და 3.10 პუნქტების შესაბამისად.

3.12 ყველა ურთიერთჩართული ავტორიზებული პირი, რომელიც წინამდებარე ოფერტის გამოქვეყნების დღისათვის უკვე სარგებლობს საერთაშორისო და ადგილობრივი ზარის ოფერენტის ქსელში დასრულების/ტერმინაციის მომსახურებით, ვალდებულია 2016 წლის 1 აგვისტოსი გააფორმოს ახალი ურთიერთჩართვის ხელშეკრულება წინამდებარე ოფერტის პირობების გათვალისწინებით. ხელშეკრულების გაუფრთხილებლობის, 3.10 და 3.11 პუნქტებით გათვალისწინებული პირობების მხრიდან ხელშეკრულების შესრულების გარანტიის წარმოუდგენლობის შემთხვევაში, ოფერენტი უფლებამოსილია წერილობითი გაფრთხილების შემდეგ, აღარ გაუწოს წინამდებარე ოფერტით გათვალისწინებული მომსახურება ურთიერთჩართულ პირს.

4. ანგარიშსწორების პირობები

მხარეებს შორის ანგარიშსწორება წარმოებს ყოველთვიურად, გაწეული მომსახურებების შესახებ საოქმო გადაწყვეტილების საფუძველზე შედგენილი საანგარიშო თვის მომდევნო თვის 12 რიცხვამდე. საოქმო გადაწყვეტილებაში აღნიშნული უნდა იყოს მომსახურების სახეები, ტრაფიკის მოცულობა წამობრივი დამრგვალებით, მხარეთა კუთვნილი თანხები.

იმ შემთხვევაში, თუ მხარეებს წარმოდგენილ მონაცემებს შორის დაფიქსირდა სხვაობა და ეს სხვაობა არ არის 1.5%-მეტი, მხარეებს მიერ მისაღები თანხები აღიარებულ იქნება ბილინგის ურთიერთმონაცემებზე დაყრდნობით, ხოლო იმ შემთხვევაში, თუ მონაცემთა სხვაობა 1.5%-ზე მეტია, ანგარიშსწორება მხარეებს შორის იწარმოებს ორმხრივად შეთანხმებულ არასადაო ნაწილზე. სადაო ნაწილზე მხარეები აწვდიან ერთმანეთს სასადაო ჩანაწერებს. სხვაობის მიზეზის დადგენის შემთხვევაში მხარეები 5 სამუშაო დღის განმავლობაში ახორციელებენ გადაანგარიშებას შეთანხმების ოქმის საფუძველზე. იმ შემთხვევაში, თუ მხარეები ვერ მიაღწევენ შეთანხმებას, მხარეები მიმართავენ საქართველოს კომუნიკაციების ეროვნულ კომისიას ან/და სასამართლოს. ანგარიშსწორების ვადის გადაცილების შემთხვევაში, „ოფერენტს“ აქვს უფლება დააკისროს მეორე მხარეს პირგასამტეხლო გადასახდელი თანხის 0.1%-ის ოდენობით ყოველ გადაგადაცილებულ დღეზე.

5 თანალოკაციის ფართთან დაშვება
თანალოკაციის ფართთან დაშვების მისამართები:
 - ასს-77 კახეთის შესახვ. №2;

5.2. ადგილობრივი დაშვების თანალოკაციის ფართი:

ასს-ის ინდექსი	მისმართი	თავისუფალი ფართი (კვ მ)
ასს-77	ქ.თბილისი, კახეთის შესახვ. 2	3.1

შენიშვნა: თანალოკაციის ფართები უზრუნველყოფილია ტექნიკური საშუალებების ექსპლუატაციისათვის საჭირო, სათანადო კონდიცირებით და ტენიანობით.

5.3. თანალოკაციის ფართის დაშვებაზე მსურველი ოპერატორი პირისაგან აქცეპტის თაობაზე განცხადების განხილვის პირობები და პროცედურები

5.3.1. თანალოკაციის ფართის დაშვებაზე მსურველი ოპერატორი მიმართავს შპს „ახტელს“ განცხადებით. განცხადებას თან უნდა დაერთოს საქართველოს კომუნიკაციების ეროვნული კომისიის მიერ გაცემული ავტორიზაციის მოწმობის ასლი, ამონაწერი სამეწარმეო რეესტრიდან, წარმომადგენლობაზე უფლებამოსილი პირის პირადობის მოწმობის ასლი, ხელშეკრულების შესრულების საბანკო გარანტია იმ შემთხვევაში, თუ ხელშეკრულების გაფორმებას პირველად ითხოვს ოპერატორი, ან ხელშეკრულების გაფორმებას ითხოვს ოპერატორი, რომლის ხელშეკრულების ვადა ამოეწურა და რომელსაც მანამდე მოქმედი ხელშეკრულებით უკანასკნელი ერთი წლის განმავლობაში ჰქონდა შემთხვევა აღიარებული ვადადამდგარი ვალდებულების შეუსრულებლობისა.

განცხადებაში უნდა მიეთითოს:

ა) თანალოკაციის ფართზე დაშვებაზე მსურველი ოპერატორის საფირმო სახელწოდება, იურიდიული და ფაქტიური მისამართები, ტელეფონი. ელფოსტა, ფაქსი, წარმომადგენლობაზე უფლებამოსილი პირის სახელი, გვარი;

ბ) განცხადებაში დასაბუთებული უნდა იყოს თანალოკაციის ფართის გამოყოფის აუცილებლობა;

გ) თანალოკაციის ფართზე გასანთავსებელი ტექნიკური საშუალებების აღწერილობა, ექსპლუატაციის სათანადო პირობები (ელექტროენერჯის ხარჯი, მიკროკლიმატი და სხვა);

დ) თანალოკაციის ფართზე განთავსებელი ტექნიკური საშუალებების ზომები;

ე) განცხადებაში უნდა იყოს მსურველი ოპერატორის დასტური, რომ იგი გაცნობილია, ეთანხმება და უპირობოთ შეასრულებს „ახტელის“ მიერ გამოქვეყნებულ შეასბამისი მომსახურების შეთავაზების წინადადებაში (მოწვევის ოფერტაში) დაფიქსირებულ ყველა პირობას.

5.4. თანალოკაციის ფართთან დაშვების ტარიფები:

„ახტელის“ თანალოკაციის ფართებთან დაშვებისა და მომსახურების ტარიფები განსაზღვრულია საქართველოს ეროვნული კომისიის 2009 წლის 31 ივლისის №359/9 გადაწყვეტილების №1 დასკვნის შესაბამისად:

ა) დაშვება თანალოკაციის ფართზე 1 კვ მ – 135.08 ლარი (დღგ-ს ჩათვლით);

ბ) ტექნიკური პერსონალის დაშვების საათობრივი განაკვეთი (მ.შ. საჭიროების შემთხვევაში, წყლით, კონდიციონერით მომსახურება):
დღის სამუშაო საათებში – 7.37 ლარი (დღგ-ს ჩათვლით)
დღის არასამუშაო საათებში – 8.12 ლარი (დღგ-ს ჩათვლით)
ღამის საათებში – 10.32 ლარი (დღგ-ს ჩათვლით)

შენიშვნა: მსურველი ოპერატორი ვალდებულია დააყენოს ელექტროენერჯის მრიცხველი და ქვებოლენტილად გაფორმდეს „თელასში“.

5.5. ანგარიშსწორების პირობები

„ახტელი“ და ავტორიზებული პირს შორის ანგარიშსწორება ხორციელდება ყოველთვიურად საანგარიშო პერიოდის მომდევნო თვის 25 რიცხვამდე საოქმოდ გადაწყვეტილის საფუძველზე „ახტელის“ მიერ წარმოდგენილი ანგარიშ-ფაქტურის საფუძველზე. ანგარიშსწორების ვადის გადაცილების შემთხვევაში, „ოფერენტს“ აქვს უფლება დააკისროს მეორე მხარეს პირგასამტეხლო გადასახდელი თანხის 0.1%-ის ოდენობით ყოველ გადაგადაცილებულ დღეზე.

5.6. თანალოკაციის ფართის გამოყოფის პროცედურები და პირობები:

განმცხადებლის მიმართვიდან 10 კალენდარულ დღეში შპს „ახტელი“ შეისწავლის;

ა) წარმოდგენილი დოკუმენტაციას და წერილობით განცხადებას;

ბ) ავტორიზირებულ პირს განცხადების შემოტანის მომენტისათვის ერიცხება თუ არა „ახტელის“ მიმართ დავალიანება. დავალიანების ოდენობა არ უნდა აღემატებოდეს 1000 ლარს.

გ) განცხადების 10 კალენდარულ დღეში „ახტელი“ წერილობით აცნობებს განმცხადებელ ოპერატორს აკმაყოფილებს თუ არა იგი დაშვების პირობებს. დადებითი

პასუხის შემთხვევაში, აქცეპტი მიღებულად ითვლება განცხადების მიღების თარიღიდან, ხოლო უარყოფითი პასუხის შემთხვევაში, ჩაითვლება, რომ განმცხადებლის მიერ აქცეპტი არ გაკეთებულა.

დ) დადებითი პასუხის შემთხვევაში „ახტელი“ ვალდებულია აქცეპტის მიღებიდან 7 კალენდარულ დღეში თანალოკაციის ფართის დაშვებაზე მსურველ ოპერატორს გადასცეს ხელშეკრულების პროექტი.

ე) მსურველი ოპერატორი ვალდებულია უზრუნველყოს 3 კალენდარულ დღის ვადაში ოფერენტის თანდასწრებით ქირავნობის ხელშეკრულების რეგისტრაცია საჯარო რეესტრში და რეგისტრაციის საფასურის გადახდა, იმ შემთხვევაში, თუ აღნიშნულ ვადაში ხელშეკრულება არ იქნება რეგისტრირებული, ჩაითვლება, რომ აქცეპტანტი უარს აცხადებს ოფერტაზე და ჩაითვლება, რომ „ახტელს“ აქცეპტანთან არანაირი სამართლებრივი ურთიერთობა არ აკავშირებს.

ვ) მსურველი ოპერატორის მიერ ხელმოწერილი ხელშეკრულების საჯარო რეესტრში რეგისტრაციიდან 3 კალენდარულ დღის ვადაში, „ახტელი“ გასცემს წერილობით ნებართვას შესაბამის თანალოკაციის ფართზე აპარატურული კარადის განთავსების შესახებ, რომელიც გადაეცემა ავტორიზირებულ პირს და „ახტელის“ შესაბამის სტრუქტურულ ერთეულს. ნებართვის წერილში მითითებული უნდა იყოს ოპერატორის სახელწოდება, განთავსებული აპარატურული კარადის ზომა, მონტაჟის განმახორციელებელი პირის ვინაობა, ნებართვის მოქმედების ვადა (მინიმუმ 10 სამუშაო დღე), თანალოკაციის ფართის ზუსტი ადგილმდებარეობა.

ზ) ავტორიზებული პირი ვადებულია ნებართვის გაცემის 5 სამუშაო დღის ვადაში განახორციელოს აპარატურული კარადის განთავსება თანალოკაციის ფართზე. განთავსების პროცესს უნდა დაესწროს „ახტელის“ წარმომადგენელი. აპარატურის განთავსების სამუშაოს დასრულების შემდეგ მხარეები გააფორმებენ მიღება-ჩაბარების ოქმს, სადაც მითითებული იქნება:

- 1.1. მონტაჟის განხორციელების თარიღი;
აქტის ხელმოწერი პირების თანამდებობა და ვინაობა;
- 1.2. აპარატურული კარადის ზუსტი ზომა (სამივე განზომილების მიხედვით);
- 1.3. განთავსებული აპარატურული კარადის ზუსტი ადგილმდებარეობა;
- 1.4. აპარატურული კარადის საინდენტიფიკაციო ნიშანი.

5.7. თანალოკაციის ფართთან დაშვების წესები:

ავტორიზებულ პირების წარმომადგენელთა დაშვება მოხდება მხოლოდ იმ შემთხვევაში, სადაც განთავსებულია მათი აპარატურული კარადა, სპეციალური საშვების საშუალებით, რომლის გაცემას ახორციელებს „ახტელის“ შესაბამისი სტრუქტურული ქვედანაყოფის ხელმძღვანელი სათაო ოფისთან შეთანხმების საფუძველზე. შენობაში დაშვება ხორციელდება დღე-ღამის საათებში.

აპარატურის გადატანა, შენობაში, დემონტაჟი და შენობიდან გატანა ხორციელდება ოპერატორის წერილობითი მიმართვის და სათაო ოფისის ნებართვის საფუძველზე.

აპარატურის გადატანა, შენობაში, დემონტაჟი და შენობიდან გატანა ფორმდება მიღება- ჩაბარების ოქმით, რომელშიც ასახული იქნება სამუშაოს ჩატარების თარიღი, სამუშაოების ტიპი, ოქმის ხელმოწერი პირების თანამდებობა და ვინაობა.

თანალოკაციის ფართზე განთავსებული აპარატურასთან დაშვება (დაზიანების არმოფხვრა ან პროფილაქტიკური სამუშაოს ჩატარება) მხარეებს შორის ფორმდება სპეციალური ოქმით, სადაც მითითებული იქნება სამუშაოს ჩატარების თარიღი, სამუშაოს დაწყების და დასრულების დრო, სამუშაოს ჩატარების სახე და წარმომადგენელთა ვინაობა.

5.8. დამატებითი სიძღავერების, მათ შორის თანალოკაციის ფართის გამოყოფა განხორციელებულ იქნება, იგივე პროცედურეს დაცვით, რასაც ითვალისწინებს წინამდებარე მოწვევის ოფერტა, 20 (ოცი) კალენდარული დღის ვადაში.

5.9. ავარიულ და სარემონტო სამუშაოების დროს მსურველი ოპერატორი ვალდებულია წინასწარ შეათანხმოს „ახტელთან“ სამუშაოების ხასიათი, მისი დაწვრილებითი აღწერილობით და სამუშაოს შემსრულებელი პირების მითითებით. ექსტრაოდრინალურ, ფორსმაჟორულ, ავარიულ და სარემონტო სამუშაოების დროს „ახტელისათვის“ მიყენებული ზარალის შემთხვევაში, ბრალეული მხარე (ასეთის არსებობის შემთხვევაში) თავისი ბრალის თანაზიარად აანაზღაურებს მიყენებულ ზიანს.

6. ფიქსირებული საკომუტაციო ტერმინალურ ელემენტებთან დაშვების და სატელეფონო ზარის წამოწყება/დასრულების ოფერტა ძალაშია 2016 წლის 1 აგვისტოდან და ძალაშია 6 თვის ვადით. თუ მხარემ ვადის გასვლამდე არ შეიტანა მასში ცვლილებები იგი ავტომატურად გრძელდება იგივე ვადითა და პირობებით;

შპს „ახტელის“
დირექტორი

ნ. შარაშენიძე